



ӨМНӨГОВЬ АЙМАГ  
ЭРҮҮЛ МЭНДИЙН ГАЗРЫН  
ДАРГЫН ТУШААЛ

2024 оны 10 сарын 31 өдөр

Дугаар А/175

Даланзадгад сум

「Дархлаажуулалтын дараах урвал, хүндрэлийн шалтгаан хамаарлыг тогтоох баг байгуулах тухай

Эрүүл мэндийн тухай хуулийн 12 дугаар зүйлийн 12.1.1 дэх заалт, Дархлаажуулалтын тухай хуулийн 8 дугаар зүйлийн 8.1 дэх хэсэг, Нийгмийн эрүүл мэндийн тусламж үйлчилгээний тухай хуулийн 12 дугаар зүйлийн 12.2 дахь хэсэг, Засгийн газрын 2023 оны 12 дугаар сарын 27-ны өдрийн 472 дугаар тогтоол, Эрүүл мэндийн сайдын 2012 оны А/217 дугаар тушаал, 2016 оны А/278 дугаар тушаалыг тус тус үндэслэн ТУШААХ НЬ:


1. Дархлаажуулалтын дараах урвал, хүндрэлийн шалтгаан хамаарлыг тогтоох мэргэжлийн багийн бүрэлдэхүүнийг нэгдүгээр, мэргэжлийн багийн гишүүдийн ажиллах журмыг хоёрдугаар, дархлаажуулалтын дараах урвал хүндрэл /ДДУХ/-ийг тандах журмыг гуравдугаар хавсралтаар тус тус баталсугай.

2. Дархлаажуулалтын дараах урвал, хүндрэлийн сэжигтэй тохиолдол гарсан үед багийн гишүүдийг удирдлага арга зүйгээр ханган, хариу арга хэмжээг шуурхай зохион байгуулан ажиллахыг Нийгмийн эрүүл мэндийн төвийн дарга (Б.Амгалан)-д үүрэг болгосугай.

3. Тушаалын хэрэгжилтэд хяналт тавьж ажиллахыг Хяналт шинжилгээ, үнэлгээ, мэдээллийн хэлтсийн даргын албан үүргийг түр орлон гүйцэтгэгч (Б.Цагаанцэнд)-д даалгасугай.

ДАРГА

Ц.ЖАВЗАНДУЛАМ



☎ 462401372

Эрүүл мэндийн газрын даргын  
2024 оны 10 дугаар сарын 31-ний өдрийн  
1175 дугаар тушаалын нэгдүгээр хавсралт




Дархлаажуулалтын дараах урвал, хүндрэлийн шалтгаан  
хамаарлыг тогтоох багийн бүрэлдэхүүн

Багийн ахлагч:	Бүсийн оношилгоо эмчилгээний төвийн эмчилгээ эрхэлсэн орлогч дарга  Нийгмийн эрүүл мэндийн төвийн дарга
Гишүүд:	Нийгмийн эрүүл мэндийн төвийн Халдварт өвчний асуудал хариуцсан мэргэжилтэн  Хяналт шалгалтын хэлтсийн Эмчилгээний чанарын хяналтын улсын байцаагч  Эмнэлгийн тусламж үйлчилгээний чанар, аюулгүй байдал хариуцсан мэргэжилтэн  Бүсийн оношилгоо эмчилгээний төвийн хүүхдийн эмч  Бүсийн оношилгоо эмчилгээний төвийн Мэдрэлийн эмч  Бүсийн оношилгоо эмчилгээний төвийн Мэс заслын эмч  Бүсийн оношилгоо эмчилгээний төвийн клиник лабораторийн эмч
Нарийн бичиг:	Нийгмийн эрүүл мэндийн төвийн Дархлаажуулалтын асуудал хариуцсан мэргэжилтэн

Тохиолдлоос хамааран багийн ахлагч болон гишүүдэд мэргэжлийн эмч,  
мэргэжилтнийг тухай бүр нь томилон ажиллуулж болно.

\_оОо\_

Эрүүл мэндийн газрын даргын  
2024 оны 10 дугаар сарын 31-ний өдрийн  
А/25 дугаар тушаалын хоёрдугаар хавсралт



Дархлаажуулалтын дараах урвал, хүндрэлийн шалтгаан  
хамаарлыг тогтоох багийн ажиллах журам

### Нэг. Нийтлэг үндэслэл

1.1 Дархлаажуулалтын дараах урвал, хүндрэлийн шалтгаан хамаарлыг тогтоох мэргэжлийн баг нь сэргийлэх тарилга буюу дархлаажуулалтын улмаас хүний эрүүл мэндэд учирсан тогтвортой эсхүл ноцтой хямралд хийсэн шалтгаан хамаарлыг үнэлэн, санал, дүгнэлт, зөвлөмж гаргах үндсэн үүрэг бүхий орон тооны бус бүтэц байна.

### Хоёр: Мэргэжлийн багийн үйл ажиллагааны чиглэл

2.1 ДДУХ-ийн тохиолдлын мэдээ авмагц Эрүүл мэндийн газрын дарга мэргэжлийн багийг ажиллуулна.

2.2 ДДУХ-ийн тохиолдолд мэргэжлийн баг нь эмнэлгийн тусламж үйлчилгээ, судалгаа, хариу арга хэмжээнд дүгнэлт хийнэ.

2.3 Мэргэжлийн багийн хийсэн ДДУХ-ийн хөнгөн болон хүнд ноцтой тохиолдлуудын судалгаанд хийсэн дүн шинжилгээний үр дүнг хэлэлцэн, шалтгаан хамаарлын үнэлгээ хийж санал, зөвлөмж, дүгнэлт гаргана.

2.4 Мэргэжлийн баг нь ДДУХ-ийн сэжигтэй өвчтөнд үзүүлж байгаа эмнэлгийн тусламж үйлчилгээг хянаж, шаардлагатай тохиолдолд дараагийн шатны эмнэлэгт шилжүүлэх асуудлыг шийдвэрлэнэ.

2.5 Шаардлагатай тохиолдолд мэргэжлийн багийн гишүүдийг оролцуулан шалтгаан хамаарлыг үнэлэх багийг дахин томилж, үнэлгээнд мэргэжил арга зүйн дэмжлэг тусалцаа үзүүлнэ.

2.6 Вакцины чанартай холбоотой асуудлаар Халдварт өвчин судлалын үндэсний төвийн эмч, мэргэжилтнүүдтэй хамтран ажиллах

2.7 ДДУХ-ийн тандалтын явцтай танилцан мэргэжил арга зүйн зөвлөмж өгөх

\_оОо\_



Эрүүл мэндийн газрын даргын  
2021 оны 10 дугаар сарын 31-ний өдрийн  
А175...дугаар тушаалын гуравдугаар хавсралт



Дархлаажуулалтын дараах урвал, хүндрэл (ДДУХ)-ийг тандах журам

**Нэг: Нийтлэг үндэслэл**

- 1.1. Дархлаажуулалт хийдэг өмчийн бүх хэлбэрийн эмнэлэг дархлаажуулалтын дараах урвал хүндрэлээс сэргийлэх, илрүүлэх, бүртгэх, мэдээлэх, судлах, тандах үйл ажиллагаанд энэ журмыг мөрдөнө.
- 1.2. Энэхүү журмыг хэрэгжүүлснээр ДДУХ-ээс сэргийлэх, илрүүлэх, бүртгэх, мэдээлэх, тандан судлах, дүн шинжилгээ хийх, хариу арга хэмжээ авах үйл ажиллагаа сайжирна.
- 1.1. ДДУХ-ын шалтгааныг дархлаажуулалтын үйл ажиллагааны алдаа, вакцинаас үүдэлтэй эсвэл эрүүл мэндийн эмгэг байдал нь вакцин тарьсан цаг хугацаатай давхцаж илэрсэн, шалтгаан тодорхойгүй гэж ангилан үзнэ.

**Хоёр: Дархлаажуулалт хийдэг эмнэлгийн нярайн болон хүүхдийн эмч нарын гүйцэтгэх үүрэг**

- 2.1. Хүүхдэд дархлаажуулалт хийх тохиолдол бүрийн өмнө эрүүл мэндийн үзлэг хийнэ. Эхийн жирэмслэлт, төрөлтийн явц, удмын байдал, хүүхдийн бие сэтгэцийн өсөлт, өвчилж байсан өвчин, урьд нь вакцин тариулсны дараа урвал хүндрэл илэрч байсан эсэхийг судална. Дархлаажуулалт хийхэд эсрэг заалт байгаа эсэхийг тогтоож, харшлах заалт илэрсэн хүүхдэд эмчилгээ хийж эрүүлжүүлж, цаашид ямар вакцинаар, ямар товлолоор хийхийг тогтоож өгнө.
- 2.2. Мэдрэлийн талаас эмгэгтэй, амьсгалын замын болон бусад өвчнөөр байнга өвчилдөг, урьд нь дархлаажуулсны дараа урвал хүндрэл илэрч байсан, өндөг болон ямар нэгэн эмийн зүйл хэрэглэсний дараа харшил илэрч байсан хүүхдийг дархлаажуулах асуудлыг шийдвэрлэнэ.
- 2.3. Тухайн хүүхдийг дархлаажуулах талаар хүүхдийн эрүүл мэндийн дэвтэр, нярайн түүхэнд тэмдэглэл хийнэ.
- 2.4. Өрх сумын эрүүл мэндийн төвийн эмч нь ДДУХ-ыг вакцин бүр дээр тогтмол тандана.
- 2.5. ДДУХ илэрсэн үед яаралтай тусламж үзүүлж шаардлагатай тохиолдолд эмнэлэгт хэвтүүлэн эмчлэх арга хэмжээг шуурхай зохион байгуулна.
- 2.6. ДДУХ-ийн тохиолдлыг ЭМС-ын 217 дугаар тушаалын гуравдугаар хавсралтын дагуу 24 цагийн дотор дархлаажуулалт хариуцсан мэргэжилтэнд мэдээлэх хуудсаар мэдээлнэ.
- 2.7. ДДУХ-ийн тохиолдол бүрийг ЭМС-ын 278 дугаар тушаалын 2 дугаар хавсралтын дагуу бүртгэнэ.

- 2.8. ДДУХ-ийн тохиолдол бүрийг ЭМС-ын 217 дугаар тушаалын дөрөвдүгээр хавсралтын дагуу судалгаа хийж нэг хувийг дархлаажуулалт хариуцсан мэргэжилтэнд явуулж, хоёр дахийг байгууллага дээрээ хадгална.
- 2.9. ДДУХ-ын мэдээг дархлаажуулалтын сарын мэдээний хамт сар бүр дархлаажуулалт хариуцсан мэргэжилтэнд хүргүүлж байна.
- 2.10 ДДУХ-ын тохиолдол бүртгэгдсэн тухайн сум орон нутагт олон тохиолдол ажиглагдсан эсэхийг тогтоох идэвхтэй тандалт хийнэ.
- 2.11 Дархлаажуулалтын дараа гарч болох урвал, хүндрэлийн талаар эцэг эхчүүдэд мэдлэг олгож, илэрсэн тохиолдолд нэн даруй эмнэлэгт хандах тухай зөвлөгөө зөвлөмж өгнө.

#### **Гурав: Дархлаажуулалт хариуцсан мэргэжилтний үүрэг**

- 1.1 ДДУХ-ийн тохиолдлын мэдээ авмагц эрүүл мэндийн газрын дарга нь мэргэжлийн багийг томилон ажиллуулна.
- 1.2 Мэргэжлийн баг нь ДДУХ-ийн тохиолдлын шалтгааныг тогтоох зорилгоор дархлаажуулалттай холбоотой бүх үйл ажиллагааг хянаж нарийвчилсан судалгааг ажлын 3 хоногт багтаан хийж, эхний дүгнэлтийг гарган ДДУХ мөн эсэхийг магадлан тогтооно.
- 1.3 Мэргэжлийн баг нь ДДУХ-ийн сэжигтэй өвчтөнийг шаардлагатай тохиолдолд дараагийн шатны эмнэлэгт шилжүүлэх асуудлыг шийдвэрлэнэ.
- 1.4 Цаг хугацаа, газар зүйн адил байрлалд нэг төрлийн вакцин тариулсан, ижил шинж тэмдэгтэй ДДУХ-ийн сэжигтэй тохиолдол байгаа эсэхийг илрүүлэх идэвхтэй тандалт хийнэ.
- 1.5 ДДУХ-с сэргийлэх талаар зөвлөгөө зөвлөмж өгнө.